

ADIERAZPEN INSTITUZIONALA

ESPAINIAKO ESTATUAN LAPURTUTAKO HAURREI BURUZKO LEGE- PROPOSAMENA

https://www.congreso.es/public_oficiales/L14/CONG/BOCG/B/BOCG-14-B-65-1.PDF

2020ko otsailaren 26an, Lapurtutako Haurrei buruzko Lege Proposamena sinatu eta erregistratu zen Espainiako Estatuan, eta 2020ko ekainaren 23an onartu zen hura aintzat hartzea, ia aho batez Diputatuen Kongresuko talde politiko guztien aldetik. Gaur egun, talde politikoak zuzenketen izapidean ari dira lanean.

Lege hau 2017an hasi zen prozesu luze baten emaitza da, Kongresuko taldeei proposamena lehen aldiz aurkeztu zitzaizenean, eta horiek aho batez onartu zuten izapidetzea 2018ko azaroaren 20an. Hala ere, prozedura aurreratua egon arren, hauteskunderen deialdiak eten egin zuten lehen izapidetze hori.

Asko dira Espainiako Estatuan Lapurtutako Haurren gaineko Legearen azken onarpenaren alde hasieratik lan egin duten erakundeak. *Coordinadora Estatal de apoyo a la Querella Argentina-CeAqua* entitateak bultzatu eta sustatzen du, entitate horren kide den *Todos los niños robados son también mis niño* elkarteak proposatuta. Lege-proposamen hau babesten duten Espainiako Estatuko hainbat tokitako ume txikien lapurretaren biktimen elkarte askoren parte-hartze aktiboa du, hona elkarteak: *Adelante Bebés Robados* (Madril eta Gaztela-Mantxako ordezkariak); *Asociación Bebés Sustraídos Bizkaia “Itxaropena”*; *ABEROA Asociación de Bebés Robados de Andalucía*; *ABRA Asociación de Afectados por Bebés Robados de Andalucía*, *AVA Asociación de Víctimas de bebés robados y de adopciones ilegales de Alicante*; *Asociación Orígenes de Baleares*; *Camino a la Justicia*; *Sevilla bebés robados*; *SOS Bebés Robados Cádiz*; *SOS Bebés Robados de Cantabria*; *Sos Bebés Robados Galicia*; *SOS Bebés Robados Huelva*; *SOS Bebés Robados Jerez de la Frontera*; *SOS Bebés Robados Madrid* (Madrid y delegación de Canarias); *Todos los niños robados son también mis niños- CeAqua* (entitate bultzatzaile gisa).

Era berean, Giza Eskubideen aldeko Estatuko zein nazioarteko elkarten bermea du, hala nola, APDHE Espainiako Giza Eskubideen Aldeko Elkartearena, Amnistia Internacional erakundearena eta *La Red Argentino Europea por el Derecho a la Identidad* — Maiatzeko Plazako Amonen Espainiako ordezkariak —; horiez gain, erakunde memorialista, feminista eta akademiko ugari daude.

Espainian ume txikien lapurreta-krimenek duten larritasunean datza proposamen honen garrantzia, 50 urte baino gehiagoko denbora-tartean gertatu baitira eta Estatuko lurralde osoan hedatu baita. Horregatik, lege-proposamen honen helburua da giza eskubideen nazioarteko zuzenbidearen oinarri diren egiarako, justiziarako, erreparaziorako eta ez errepikatzeko eskubideak bermatzea ume txikien lapurreta-delituaren biktimei, gizateriaren aurkako krimen gisa.

Hain zuzen ere, Nazio Batuen hainbat erakundek esku hartu behar izan dute: *egia, justizia, erreparazioa eta ez errepikatzeko bermeak sustatzeko Nazio Batuen Errelatore Berezi Pablo de Greiff*; eta *Nazio Batuen desagertze behartuei buruzko Lantaldea*. Era berean, Europako Parlamentuak interes handia hartu zuen eta Eskaeren Batzordearen Misioa bidali zuen. Horren emaitza 2017ko azaroan argitaratutako 31 gomendio biltzen zituen txosten bat egitea izan zen.

Proposamen hori onartzeak ekarriko luke Espainiak bete egingo lituzkeela, azkenean, Nazio Batuen eta Europako Parlamentuaren irizpideak eta gomendioak; izan ere, horrela jarduteko irizpide eta mekanismo homogeenak ezartzen dira autonomia-erkidego guztietan, eta hainbat instituzio eta erakunde sortu eta koordinatu ahal dira, delitu horiek benetan ikertzeko beharrezkoak diren ikerketen eta prozeduren pisua jasan ahal izateko, horiek diktadura indarrean egon den aldi osoa eta aldi demokratikoaren zati bat hartzen baitute. Lege horren bidez, biktimen eskubideak finkatzen dira, iraganekoak eta oraingoak, jada ez daudenak eta oraindik ere beren familiarekin berriz elkartu edo beren nortasuna berreskuratu nahi dutenenak. Dagoeneko aipatu ditugun egia, justizia, erreparazioa eta ez errepikatzeko eskubideak bermatzen dira, biktimentzat bezain garrantzitsuak direnak, zuzenbideko estatu demokratiko baten funtzionamendurako.

2020ko irailaren 17an ireki zen Justizia Batzordean kokatuta dagoen Proposamenaren zuzenketen izapidea. Legea geldirik geratu da izapide horretan.

Ume txikien lapurretaren dramak Espainian eragindako mina dela eta, oraindik jasaten ari dena, erantzun bateratua, komuna eta kolektiboa behar da oraindik, eta, horregatik, Lasarte-Oriako Udalak honako hau eskatzen dio Diputatuen Kongresuari:

1. Zuzenketen izapidea amaitzea, legeak bere prozesu parlamentarioa jarrai dezan behin betiko eta presaz onetsi arte;
2. Onartzen den legeak ahalik eta gehien errespetatu dezan *Espainiako Estatuan lapurtutako haur txikiei buruzko Lege Proposamenaren jatorrizko testua (122/000039)*; izan ere, adostasun sozial eta politiko handia lortu du, bai hura lantzean, bai izapidetzeko prozedura parlamentarioaren hasieran.

Lasarte-Orian, 2022ko martxoaren 16ean